

第一百三十九冊

卷二百六十三

軼事


新纂雲南通志

盧

漢

題

簽



PDG

新纂雲南通志卷一百六十三目錄

附錄一

軼事

漢

三國

六朝

隋

唐

宋

元

明

清

天

未

申

酉

戌

亥

子

丑

寅

新纂雲南通志卷二百六十三

附錄一

軼事

舊志有軼事一門錄地方掌故之不屬於各門類者茲仍其舊而益以采訪所得附之篇末云

漢

白國之先有阿育王能乘雲上天娶天女生三子長季二子封於金馬碧雞獨封仲子於蒼洱之間崇奉佛教不如葷日食白飯人因稱爲白飯王迨後有仁果者以慈信治國國人戴之漢元狩間常羌治滇池仁果治白崖兩國角立帝嘉仁果而惡常羌册仁果爲滇王仁果子孫不尙采染不殺生命仍號白國傳世十五至龍祐那不變其

舊諸葛亮定南中封祐那於其故地賜姓張氏改稱建寧國仍長其

民又十七世爲張樂進求遜位於蒙氏細農羅白國世絕

大理府志羅參閣異聞白國因由

滇王者莊蹻之後也元封二年武帝平之以其地爲益州郡割牂柯

越嶲各數縣配之後數年復并昆明地皆以屬之此郡有池周回二

百餘里水源深廣而末更淺狹有似倒流故謂之滇池河土平敞多

出鸚鵡孔雀有鹽池田漁之饒金銀畜產之富人俗豪怙居官者皆

富及累世

後漢書西南夷傳

漢帝旣置永昌郡每以哀牢事詢人令爲文傳哀牢事時楊子山名

終爲郡上計吏至京見三府爲哀牢傳不能成篇乃歸郡作傳以獻

明帝奇之徵在蘭臺

永昌府志

後漢興平元年蠻夷獻鸚鵡二詔曰往者益州獻鸚鵡三枚夜食三

升麻子今米價騰貴此鳥無益有損可付安西將軍楊定國令歸本

土舊志

三國

諸葛亮定南中封祐那於其故地又移南中勁卒青羌萬餘家於蜀
爲五部所當無前號爲飛軍分其羸弱配大姓焦雍婁爨孟量毛李
爲部曲置五部都尉號五子故南人言四姓五子也晉罷寧州置南
夷府統五十八部夷族都監行事每夷供貢南夷府入牛金旃馬動
以萬計其四姓子弟仕進必先經都監夷人大種曰昆小種曰叟有
桀黠能言議屈服種人者謂之耆老又有夷經南人言語雖學者亦
半引其語與夷爲姓曰遑耶諸姓爲自有耶犯法者輒依之藏匿與
夷至厚者謂之百世遑耶恩若骨肉爲其逋逃之藪故輕爲禍變恃

此也俗尙巫鬼好詛盟拔石結草官常以盟詛要之諸葛亮乃爲夷作圖譜先畫天地日月君長城府次畫神龍生夷及牛馬羊後畫部主吏乘馬幡蓋巡行安卹又畫牛羊負酒齎金寶詣之之象以賜夷夷甚重之許致生口直又與瑞錦鐵券每刺史校尉至齎以呈詣

舊志

越睽之西多薦草產善馬世稱越睽駿如羔歲中組莎縻之飲以米藩七年可御日馳數百里中盧縣城南有石穴出馬謂之馬穴漢時有數百匹馬出其中馬形小三國時陸遜攻襄陽得馬數十匹送建業蜀使至有家在滇池者識其馬毛色云其父所乘馬對之流涕

同上

驃國諸蠻並不養蠶收婆羅木子破其殼中如柳絮細織爲幅服之

謂之娑羅籠緞

李石續博物志

越睽犀出越睽以陷牢取之每殺則有雷雨

同上

梁祚魏國統云西南有異犀三角夜行如炬照數百步或時脫角則藏於深密處不令人見王者貴其角以爲簪能消除凶逆此亦外地所產非騰有也

永昌府志

六朝

齊永平中以陳顯達爲益州都督顯達一目獠人慢之顯達遣使責其租稅獠師曰兩目刺史尙不能調況一目耶遂殺其使顯達分遣將師聲言出獵夜往襲之無少長盡殺之蠻獠震服

雲南志略

隋

隋開皇中以史萬歲征南蠻蠻皆降師還復叛蜀王秀奏萬歲貪賂致生邊患萬歲以罪廢乃以梁毗爲西甯州刺史諸酋相率以金遺毗毗置金坐側對之慟哭曰此物饑不可食寒不可衣汝等以此相

殘何爲今將此來欲殺我也耶一無所取蠻酋大悅

雲南志略

唐

初蠻酋張氏名仁果漢末居蒙舍川爲在諸部之南故曰南詔詔漢語國君也傳至樂進求爲蒙氏所滅蒙氏名細奴邏城蒙舍之龍吁圖而都之國號大蒙自稱奇王雲南建國稱王始此唐貞觀三年也

雲南志略

羅成始得意於六詔蒙氏居蒙舍川號蒙舍詔施望欠據石和城號施浪詔豐畔據澄睽川號澄睽詔望時據浪穹號浪穹詔波衝據越析川號末些詔輔原羅據越嶲號蒙僑詔是爲六詔

同上

唐明皇將封泰山南詔進白羸甚偉潔上親乘之柔習安便不知登陟之倦禮畢復乘而下至山坳休息未久有司言白羸無疾而殪上

歎異之號曰白羸將軍有司具檀壘石爲墓在封禪壇

舊志

唐時有菩薩蠻不知其義一說開元中南詔入貢危髻金冠纓絡被體故號菩薩蠻因以製曲佛戒律云香油塗身華鬘披首今曲名鬘

作蠻非也

同上

南詔王自稱曰元猶朕也謂其下曰昶猶卿爾也官曰坦綽曰布燮曰久贊謂之清平官所以決國事輕重猶唐宰相也曰酋望曰正酋望曰員外酋望曰大軍將曰員外猶試官也幕爽主兵琮爽主戶籍慈爽主禮罰爽主刑勸爽主官人厥爽主工館萬爽主財用引爽主客禾爽主商賈皆清平官酋望大軍將兼之爽猶言省也督爽總三省也乞託主馬祿託主牛巨託主倉廩亦清平官酋望大軍將兼之曰爽酋曰彌勤曰勤齊掌賦稅曰兵孺司掌機密大府主將曰演習

副曰演覽中府主將曰繕裔副曰繕覽下府主將曰澹酋副曰澹覽
小府主將曰幕撫副曰幕覽府有陀酋若管記有陀西若判官大抵
如此凡調發下文書衆邑必占其期百家有總佐一千家有治人官
一萬家有都督一凡田五畝曰雙上官授田四十雙上戶三十雙以
是而差壯者皆爲戰卒有馬爲騎軍人歲給韋衫袴以邑落遠近分
四軍以旗幟別四方面一將統千人四軍直一將凡敵入境以所入
面將禦之王親兵曰朱努佉苴佉苴韋帶也擇鄉兵爲四軍羅苴子
戴朱鞬鍪負犀革銅盾而跣走險如飛百人直羅苴子統一人望苴
蠻者在蘭倉江西男女勇捷不鞍而騎善矛劍短甲蔽胸腹鞬鍪皆
插旄牛尾馳突若神凡兵出以望苴子前驅以清平官子弟爲羽儀
王左右有羽儀長八人清平官見王不得佩劍唯羽儀長佩之爲親

信有六曹長曹長有功補大軍將大軍將十二與清平官等列曰議
事王所出治軍壁稱節度次補清平官有內算官代王裁處外算官
記王所處分以付六曹外則有六節度曰弄棟永昌銀生劍川拓東
麗水有二都督會川通海有十賧夷語賧若州曰雲南賧白崖賧亦
曰勃弄賧品澹賧遼川賧蒙舍賧大釐賧亦曰史賧苴咩賧亦曰陽
賧蒙秦賧矣和賧趙川賧王出建八旗紫若青白葍雉翼二有旄鉞
紫囊之翠蓋王母曰信麼亦曰九麼妃曰進武信麼出亦建八旗絳
旂自曹長以降繫金佉苴尙絳紫有功加錦又有功加金波羅金波
羅虎皮也功小者衿背不袖次止於衿

唐書南蠻傳

大理府志

異牟尋先居史城連吐蕃入寇唐將李晟擊破之乃懼改城牟臉苴
畔僭封五嶽四瀆以國界內點蒼山爲中嶽東川界絳雲露松外龍
山爲東嶽銀生部日界蒙樂山爲南嶽永昌騰越界高黎貢山爲西
嶽麗江界玉龍山爲北嶽以黑惠江瀾滄江潞江麗江爲四瀆接點
蒼山之巔添洱河之水立官號曰九爽三託其地東至於銅柱鐵橋
蟠桃玉榆東南至於交趾南至於驃國木落山西至於太石西北至
於吐蕃北至於神川東北至於黔巫八方之地屬以八演從中國教
令都曰苴畔別都曰鄯闡皆中國降人爲之經畫也

楊慎演
載記

異牟尋立制清平官以下十司給服祿徙都苴畔城封點蒼山爲中
岳遣烏蠻鬼主孟衡苴來朝復臣於唐與劍南西川節度使韋臯連
兵伐吐蕃大破之取鐵橋等三十五城

雲南
志略

太和二年蠻有學書子弟在成都者盡得蜀之虛實蒙遣清平官蒙
苴顛大舉入寇取邛戎嵩三州遂入成都掠子女百工數萬人南歸

上同

世隆立始僭帝號改元建極世隆自將侵蜀遂破成都自是大渡河

以南盡屬蒙矣

上同

驃國進樂有銅鼓唐咸通末冀州刺史張連方因葺城池掘得一銅
鼓捨於延慶寺以代木魚僖宗朝林靄守高州鄉野牧童聞田中蛤
鳴欲進捕之一蛤躍入穴中掘而取之得一銅鼓其上隱起多鑄蛙
黽之狀豈鳴蛤乃銅鼓之精耶

舊志

西川自劉闢構逆後久無干戈人不習戰每歲諸道差兵屯戍大渡
河蠻旗纔舉望風而潰唐咸通中長驅直抵府城居人有局戶而拒

者蠻亦不敢扣也嘗有一蠻迷路入廣都縣村野里人相率數百輩
叫噪而逐之蠻一迴顧卻走入堵牆崩焉白晝及暝終不能擒致其
怯懦如此又王蜀先主時雲南寇蜀蜀軍勇銳欲吞之俘擒礮食不
以爲敵與向前之兵百倍其勇也

同上

乾符中南蠻圍西川朝廷命太尉高駢自天平軍移鎮成都戎車未
屆乃先以帛書軍號其上仍畫一符於郵亭遞之以壯軍聲蠻酋交
趾之敗望驛而遁先是府無羅郭南寇纔臨遂成灰燼士民無久安
之計駢盡地議築之慮畚鍤將施亭候有警乃命閩僧景仙奉使入
南詔宣言躬自巡邊自下手築城曰舉烽直至大渡河凡九十三日
樓櫓轟然旌旆竟不行而驃信警慄不暇兵以詐勝斯之謂也

南蠻侵軼西川自咸

通以後劍南苦之牛叢作鎮爲蠻寇憑陵無以抗拒高駢自天平移鎮成都蠻酋傳蜀軍將至先選驍銳救急人皆彼符一道蠻規知之望風而遁爾後僖宗幸蜀深疑作使乃許降公主蠻王以連姻大國喜幸逾常命宰相趙陞唐楊奇襲段義宗來朝行在且迎公主高駢

自淮陽飛章言南蠻心脅惟此數人請止而楊之
迄僖宗還京南方無虞用高駢之策也 舊志

道光志案此說本五代
史與綱目異姑載之

段思平六世祖儉魏爲蒙氏將天寶十載大敗唐兵神武王閣羅鳳
論功升爲清平官賜名忠國拜相六傳而至思平其母過江觸水有
孕生二子長思平次思良思平牧於山中聞爲王之識大明楊詔忌
之思平逃詔使人追之思平遇農人藏草內得脫行至品甸得奇戟
至葉鑑湖得神馬饑摘野桃食之核上有青昔二字思平拆爲十二
月二十一日遂借兵以董伽羅爲帥進兵大理楊詔據橋不得過是
夜得三夢夢人去首玉瓶去耳鏡破左右解曰大丈夫去首爲天王
去耳爲王鏡破無對皆吉兆也是日過江有被纓浣衣婦指渡處遂

過江誅楊詔國號大理

阮元聲南
詔野史

咸亨三年永昌蠻叛姚州總管梁積壽討平之時永昌之西野桑生石上其材上曲而下直南詔取以爲弓不施筋漆而利過常弓謂之

蜺弓

永昌府志

宋

宋太祖建隆三年王全斌克蜀欲因取雲南太祖止之曰德化所及

蠻自悅服何在用兵於是開邊之釁始息

雲南志略

宋乾德中牂柯入貢召見詢問地理風俗令作本國歌舞一人吹瓢

笙名曰水曲卽今蘆笙也余在大理見之嘗作蘆笙吟五解其詞云

蘆笙吟蘆笙吟可憐一寸匏能括四通音蘆笙吟蘆笙吟可憐一節

蘆能通四海心昔我聞蘆笙乃在盤江河河邊跳月歌令人元鬢皤

今我聞蘆笙乃在開南橋短歌和長謠從夕至侵朝悲亦不在聲歡